



# John Logie Baird



## Tràth-bheatha

Rugadh John Logie Baird ann am Baile Eilidh air taobh an iar na h-Alba, air 13 An Lùnastal 1888. B' e John an ceathramh pàiste agus am fear a b' òige aig an **Urr** John agus Jessie Baird.

**A dh'aindeoin** 's nach robh a shlàinte math, bha e **follaiseach** bho aois gu math òg gur e duine **innleachdach** a bh' ann. Thog e siostam fòn gus am bruidhinneadh e ris na caraidean aige a bha a' fuireach air taobh thall an rathaid!



## Innleachdan

Chaidh e dhan Cholaiste Theicnigeach Rìoghail ann an Glaschu, ris an canar Oilthigh Shrath Chluaidh san latha an-diugh, ach cha d' fhuair e cothrom crìoch a chur air a' chursa aige air sgàth 's gun do thòisich a' chiad chogadh. Cha robh e fallain gu leòr airson a dhol dhan arm, is mar sin dh'obraich e mar einnseanair aig Companaidh Lùth Dealain Ghleann Chluaidh. Aig an aon àm, air sgàth 's gun robh e fhèin **a' fulang** le casan fuar, **dh'innlich** e paidhir stocainnean sònraichte a chumadh a chasan blàth. Thòisich e gan reic, agus ann an ùine ghoirid, bha e **a' cosnadh** barrachd ann an seachdain na bha e a' faighinn ann am bliadhna mar einnseanair.

**Ri linn** a dhroch shlàinte, chaidh innse dha le dotair gum b' fheàrr dha gluasad do dhùthaich bhlàth. Ann an 1919, għluais e gu Trinidad. Mhotaich e gun robh am **pailteas** mheasan searbh agus siūcar a' fàs ann agus, mar sin, stèidhich e factaraidh silidh. Thill e a Bhreatainn ann an 1920 agus dh'fhsogail e bùth ann an Lunnainn

## Telebhisean



An uair sin, chuir e roimhe an **dùbhlàn** telebhisean a chruthachadh, rud a bha luchd-saidheans **a' beachdachadh** agus **a' cnuasachadh** air airson ùine mhòr. Thog e inneal le bhith a' cleachdadh seann chiste-teatha, siosaran, **snàthadan**, lionsaichean bho sheann sholais-baidhsagal agus **treallaich** eile. Ann an 1924, sgaoil e dealbh cugallach beagan throighean.

Baird agus an Televisor

Ann an 1925, sheall e an telebhisean aige dhan **phoball** ann am Bùth Selfridges ann an Lunnainn. Chùm e air ga **leasachadh** agus air 26 Faoilleach 1926, sheall Baird an telebhisean aige do luchd-saidheans bhon Institiud Rìoghail, a' chiad turas a chaidh dealbh gluasadach fhaicinn.

Ann an 1928, rinn e a' chiad **craoladh** telebhisean eadar Lunnainn agus Ameireaga agus cuideachd, **thaisbean** e telebhisean dathte airson a' chiad uair.

Ann an 1930 thug companaidh Baird a-mach a' chiad telebhisean a bha freagarrach airson na dachaigh, an Televisor. Chaidh mu 1000 a dhèanamh agus chosg iad £26, sùim airgid gu math mòr aig an àm. Ann an 1939 chaidh Companaidh Craolaidh Bhreatainn (BBC) a stèidheachadh.

## Bàs

Bhàsaich Baird air 14 Ògmhios 1946, aois 58 agus chaidh a thiodhlacadh ann am Baile Eilidh.

# Ceistean




## Ceistean Tuigse

1. Dè an obair a bh' aig athair John Logie Baird?
2. Carson nach do chuir e crìoch air a' chùrsa aige anns a' cholaiste?
3. Carson nach deach Baird dhan arm aig àm a' chiad chogaidh?
4. Dè dh'innlich e fhad 's a bha e ag obair mar einnseanair aig Companaidh Lùth Dealain Ghleann Chluaidh?
5. Carson a chaidh e gu Trinidad? Dè stèidhich e an sin?
6. Dè chleachd Baird airson a' chiad telebhisean a thogail?
7. Càit an do sheall Baird an telebhisean dhan phoball airson a' chiad uair?
8. Cuin a chaidh a' chiad dealbh gluasadach air telebhisean fhaicinn? Cò chunnaic e?
9. Dè an t-ainm a bh' air a' chiad telebhisean a chruthaich Baird a bha freagarrach airson na dachaigh?
10. Càit an deach Baird a thiodhlacadh?

## Ceistean Smaoineachaidh

1. Ciamaid a tha fhios againn gur e duine innleachdach a bh' ann am Baird?
2. Bha Baird a' fulang le droch shlainte fad a bheatha. Saoil an robh buaidh aig sin air an obair aige?
3. Air sgàth na droch shlainte, cha b' urrainn dha a dhol dhan arm aig àm a' chogaidh. Saoil ciamaid a bhiodh Baird a' faireachdainn mu dheidhinn seo?
4. Saoil carson a sguir e a reic stocainnean ann an 1919? Cò bhiodh gan ceannach?
5. Saoil dè shaoileadh na daoine ann an Selfridges nuair a chunnaic iad telebhisean Baird? Saoil dè shaoileadh iad nan canadh tu riutha gum biodh telebhisean cha mhòr anns a h-uile taigh ann am beagan bhliadhnaichean?
6. A bheil thu a' smaoineachadh gun robh inntinn adhartach aige? Carson?
7. Nam biodh Baird beò an-diugh, dè bhiodh tu ag iarraidh fhaighneachd dha?






# John Logie Baird



## Tràth-bheatha

Rugadh John Logie Baird ann am Baile Eilidh air taobh an iar na h-Alba, air 13 An Lùnastal 1888. B' e John an ceathramh pàiste agus am fear a b' òige aig an **Urr** John agus Jessie Baird.

A **dh'aindeoin** 's nach robh a shlàinte math, bha e **follaiseach** bho aois gu math òg gur e duine **innleachdach** a bh' ann. Thog e siostam fòn gus am bruidhinneadh e ris na caraidean aige a bha a' fuireach air taobh thall an rathaid!



## Innleachdan

Chaidh e dhan Cholaiste Theicnigeach Rìoghail ann an Glaschu, ach cha d' fhuair e cothrom crìoch a chur air a' chursa aige air sgàth 's gun do thòisich a' chiad chogadh. Cha robh e fallain gu leòr airson a dhol dhan arm, is mar sin dh'obraich e mar einnseanair. Aig an aon àm, **dh'innlich** e paidhir stocainnean sònraichte a chumadh a chasan blàth. Thòisich e gan reic, agus ann an ùine ghoirid, bha e **a' cosnadh** barrachd ann an seachdain na bha e a' faighinn ann am bliadhna mar einnseanair.

**Ri linn** a dhroch shlàinte, chaidh innse dha le dotair gum b' fheàrr dha gluasad do dhùthaich bhlàth. Ann an 1919, għluais e gu Trinidad. Mhathaich e gun robh am **pailteas** mheasan searbh agus siùcar a' fàs ann, agus mar sin, stèidhich e factaraidh silidh. Thill e a Bhreatann ann an 1920.

## Telebhisean

An uair sin, thòisich e ag obair air telebhisean a chruthachadh, rud a bha luchd-saidheans **a' beachdachadh** air airson ùine mhòr. Thog e inneal le bhith a' cleachdadh seann chiste-teatha, siosaran, **snàthadan**, lionsaichean bho sheann sholais-baidhseagal agus **treallaich** eile agus ann an 1924, sgaoil e dealbh cugallach beagan **thraighean**.



Baird agus an Televisor

Ann an 1925, sheall e an telebhisean aige dhan **phoball** ann am Bùth Selfridges ann an Lunnainn. Ann an 1926, sheall Baird an telebhisean aige do bhuidheann de luchd-saidheans agus b' e seo a' chiad turas a chaidh dealbh gluasadach fhaicinn.

Ann an 1928, rinn e a' chiad **craoladh** telebhisean eadar Lunnainn agus Ameireaga.

Ann an 1930 thug companaidh Baird a-mach a' chiad telebhisean a bha freagarrach airson na dachaigh, an Televisor. Chaidh mu 1000 a dhèanamh agus chosg iad £26, sùim airgid gu math mòr aig an àm.

## Bàs

Bhàsaich Baird air 14 Ògmhios 1946, aois 58 agus chaidh a thiodhlacadh ann am Baile Eilidh.

# Ceistean



## Ceistean Tuigse

1. Cia mheud pàiste a bh' ann an teaghach Baird?
2. Carson nach do chuir e crìoch air a' chùrsa aige anns a' cholaiste?
3. Carson nach deach Baird dhan arm aig àm a' chiad chogaidh?
4. Dè dh'innlich e fhad 's a bha e ag obair mar einnseanair?
5. Carson a chaidh e gu Trinidad? Dè stèidhich e an sin?
6. Dè chleachd Baird airson a' chiad telebhisean a thogail?
7. Càit an do sheall Baird an telebhisean dhan phoball airson a' chiad uair?
8. Cuin a chaidh a' chiad dealbh gluasadach air telebhisean fhaicinn? Cò chunnaic e?
9. Dè an t-ainm a bh' air a' chiad telebhisean a chruthaich Baird a bha freagarrach airson na dachaigh?
10. Càit an deach Baird a thiodhlacadh?

## Ceistean Smaoineachaidh

1. Ciamar a tha fhios againn gur e duine innleachdach a bh' ann am Baird?
2. Bha Baird a' fulang le droch shlàinte fad a bheatha. Saoil an robh buaidh aig a sin air an obair aige?
3. Air sgàth na droch shlàinte, cha b' urrainn dha a dhol dhan arm aig àm a' chogaidh. Saoil ciamar a bhiodh Baird a' faireachdann mu dheidhinn seo?
4. Saoil carson a sguir e a reic stocainnean ann an 1919? Cò bhiodh gan ceannach?
5. Saoil dè shaoileadh na daoine ann an Selfridges nuair a chunnaic iad telebhisean Baird? Saoil dè shaoileadh iad nan canadh tu riutha gum biodh telebhisean cha mhòr anns a h-uile taigh ann am beagan bhliadhnaichean?
6. A bheil thu a' smaoineachadh gun robh inntinn adhartach aige? Carson?
7. Nam biodh Baird beò an-diugh, dè bhiodh tu ag iarraidh fhaighneachd dha?





# John Logie Baird



## Tràth-bheatha

Rugadh John Logie Baird ann am Baile Eilidh air taobh an iar na h-Alba, air 13 An Lùnastal 1888. B' e John an ceathramh pàiste aig an **Urr** John agus Jessie Baird.

Mar phàiste, bha e tric tinn, ach bha e **follaiseach** bho aois gu math òg gur e duine **innleachdach** a bh' ann. Thog e siostam fòn gus am bruidhinneadh e ris na caraidean aige!

## Innleachdan

Chaidh e dhan Cholaiste Theicnigeach Rìoghail ann an Glaschu, ach cha d' fhuair e cothrom crìoch a chur air a' chùrsa aige air sgath 's gun do thòisich a' chiad chogadh. Cha robh e fallain gu leòr airson a dhol dhan arm, agus mar sin, dh'obraich e mar einnseanair. Aig an aon àm, **dh'innlich** e paidhir stocainnean sònraichte a chumadh casan blàth. Thòisich e gan reic, agus ann an ùine ghoirid, bha e **a' cosnadh** barrachd ann an seachdain na bha e a' faighinn ann am bliadhna mar einnseanair.

Air sgàth 's a dhroch shlàinte, thuirt dotair ris gum b' fheàrr dha gluasad do dhùthaich bhlàth. Ann an 1919, għluais e gu Trinidad agus thòisich e factaraidh silidh a' cleachdad mheasan agus siùcar a bha a' fàs ann. Thill e a Bhreatann ann an 1920.



Baird agus an Televisor

## Telebhisean

An uair sin, thòisich e ag obair air telebhisean a chruthachadh. Thog e inneal le bhith a' cleachdad seann chiste-teatha, siosaran, **snàthadan**, agus **treallaich** eile agus ann an 1924, sgaoil e dealbh cugallach beagan **thraighean**.

Ann an 1925, sheall e an telebhisean aige dhan **phoball** ann am Bùth Selfridges ann an Lunainn. Agus ann an 1926, sheall Baird a' chiad dealbh gluasadach do luchd-saidheans.

Rinn e a' chiad **craoladh** telebhisean eadar Lunainn agus Ameireaga ann an 1928.

Ann an 1930 thug companaidh Baird a-mach a' chiad telebhisean a bha freagarrach airson na dachaigh, an Televisor.

## Bàs

Bhàsaich Baird air 14 Ògmhios 1946, aois 58.

# Ceistean



## Ceistean Tuigse

1. Càit an do rugadh Baird?
2. Dè an t-ainm a bh' air athair agus màthair Baird?
3. Carson nach do chuir e crìoch air a' chùrsa aige anns a' cholaiste?
4. Carson nach deach Baird dhan arm aig àm a' chiad chogaidh?
5. Dè dh'innlich e fhad 's a bha e ag obair mar einnseanair?
6. Cuin a għluais e gu Trinidad?
7. Dè chleachd Baird airson a' chiad telebhisean a thogail?
8. Càit an do sheall Baird an telebhisean dhan phoball airson a' chiad uair?
9. Dè an t-ainm a bh' air a' chiad telebhisean a chruthaich Baird a bha freagarrach airson na dachaigh?
10. Cuin a bhàsaich e?

## Ceistean Smaoineachaidh

1. Ciamaid a tha fhios againn gur e duine innleachdach a bh' ann am Baird?
2. Air sgàth 's an droch shlàinte, cha b' urrainn dha a dhol dhan arm aig àm a' chogaidh. Saoil ciamaid a bhiodh Baird a' faireachdann mu dheidhinn seo?
3. Saoil carson a sguir e a reic stocainnean ann an 1919? Cò bhiodh gan ceannach?
4. Saoil dè shaoileadh na daoine ann an Selfridges nuair a chunnaic iad telebhisean Baird? Saoil dè shaoileadh iad nan canadh tu riutha gum biodh telebhisean cha mhòr anns a h-uile taigh ann am beagan bhliadhnaichean?
5. A bheil thu a' smaoineachadh gun robh inntinn adhartach aige? Carson?
6. Nam biodh Baird beò an-diugh, dè bhiodh tu ag iarraidih fhaighneachd dha?

